



Universitätsbibliothek Paderborn

**R. P. Richardi Arsdekin Soc. Iesu S. Theol. Professoris
Theologia Tripartita Sive Resolutiones Polemicæ,
Speculativæ, Practicæ, Controversiarum, & Quæstionum,
etiam recentissimarum, quæ in Schola, & ...**

Missionarijs, & alijs animarum Curatoribus, & Theol. studiosis solerter
accommodatæ ...

De Controversijs Polemicis, & Scholasticis, etiam modernis

Archdekin, Richard

Antverpiæ, 1682

Caput 5. De Sacrificio Missæ, & Communione sub utraque specie.

urn:nbn:de:hbz:466:1-40853

CAPUT V.

De Sacrificio Missæ, & Communione sub
utraque Specie.

DOCEt Ecclesia Catholica contra Sectarios Modernos, Christum in ultima cæna non tantum Sacramentum, sed etiam Sacrificium per Sacerdotes offerendum instituisse, per illa verba, *Hoc facite in meam commemorationem &c.* prout à vera & primitiva Ecclesia semper intellecta fuerunt.

1. Probatur primò ex Apostolo *ad Hebr. c. 7. v. 17.* ubi declarat de Christo verè dici, *Tu es Sacerdos in eternum secundum ordinem Melchisedech.* Cum autem Sacerdotis proprium munus sit offerre Sacrificium, non potest Christi Sacerdotium in Ecclesiam esse in æternum sine perpetuo Sacrificio in Ecclesia offerendo. Atqui cruentum Crucis Sacrificium semel tantum offerri potuit, cum Christus sæpius mori, & immolari nequeat. Ergo tantum restat ut perpetuò offerat per suos Ministros incruentum Missæ Sacrificium, alias Apostoli verba erunt ab omni veritate aliena.

Sacrificium autem illud sub specie Panis & Vini offerendum esse indicant eadem Apostoli verba, dum asserit Sacerdotium Christi fore secundum ordinem Melchisedech, cuius Sacrificium consistebat in Panis & Vini oblatione, uti patet *Genes. 14.v.18. Melchisedech Rex Salim profers panem & vinum, erat enim Sacerdos Altissimi.*

2. Probatur secundò, ex eo quod Deus nullo unquam tempore reliquerit Ecclesiam suam sine aliquo

K 2

aliquo

aliquo Sacrificio, quod in signum supremæ majestatis illi offerri debebat. Nam in statu legis naturæ reperimus publicum Sacrificium Deo oblatum per Abelem, Noë, Abrahamum &c. In lege Mosaica plurima erant instituta sacrificia, holocausta, victimæ, libamina. Ergo nullo modo credibile est solam Ecclesiam Christi relictam esse omni vero & publico sacrificio destitutam, quo possit omni tempore Deum placare, laudis & impetrationis hostiam offerre, vitæ ac necis Dominum agnoscere, quod oblatione sacrificii propriè præstatur. Quod divino cultui adeò proprium est, ut nulla unquam gens Deum coluerit, quæ sacrificium aliquod aut victimam non obtulerit. Quomodo igitur cogitari potest Christum, qui voluit Ecclesiam suam toto orbe diffundi, non ordinasse sacrificium aliquod publicum, & suæ Ecclesiæ proprium, in quo omnes gentes convenirent, & cultu conformi Deum adorarent. Quo autem sacrificio poterat populus Christianus melius conjungi, ac designari, quam per oblationem corporis, & sanguinis Christi in sacrosancto Missæ sacrificio?

Ad hunc finem ab exordio Ecclesiæ Christianæ instituti sunt Sacerdotes, & erecta sunt Altaria. Ad quid enim serviunt Sacerdotes, & Altaria, nisi ut victimæ, & sacrificia offerantur, sine quibus totus ille apparatus inanis esset, & proprio usu destitutus.

3. Probatur tertio, ex perpetuo usu Ecclesiæ Christianæ Missæ sacrificium offerendi, ad hac usque tempora continuato: adeò ut mirum sit ab iis qui se primævam Ecclesiam venerari & sequi profitentur, aliud unquam fuisse cogitatum.

Sacrificium hoc jam inde à Christi temporibus

bus in Ecclesia ubique oblatum fuisse testis locuples est S. Irenaeus, qui floruit secundo post Christum saeculo, scribit enim lib. 4. cap. 32. Christum in coena Apostolos novam novi testamenti oblationem docuisse, quam Ecclesia, inquit, ab Apostolis accipiens in universo mundo offerat Deo, juxta Malachiae vaticinium.

4. Eudem Ecclesiæ primævæ usum prædit S. Augustinus in Psalm. 33. Ipse Dominus, inquit, de corpore & sanguine suo instituit sacrificium secundum ordinem Melchisedech; undè & ipsi Apostoli sacrificare leguntur. An ergo Apostoli à Christi doctrina aberrarunt?

Idem toto orbe Christiano sacrificium offerri scribit iterum August. de civit. Dei lib. 19. cap. 22. loquens de oblatione Melchisedechi, Ibi (inquit) apparuit sacrificium quod nunc à Christianis offeratur Deo toto orbe terrarum. Et l. 4. de Trinit. cap. 14. Quid gratiùs offerri aut suscipi posse quam Caro Sacrificii nostri?

S. Ambrosius in Luc. cap. 1. Cùm sacrificamus, Christus adest, Christus immolatur.

S. Hieronymus super verba Malachia; In omni loco, ait, offerri oblationem, nequaquam immundam, ut à populo Israël, sed mundam, ut in ceremoniis Christianorum.

Eusebius Emissen. fer. 5. de Paschate. Melchisedech oblatione panis & vini, hoc nimirum quod in Eucharistia celebratur, Christi Sacrificium figuravit.

S. Justinus Martyr in Dial. cum Triphone. Omnia Sacrificia quæ sive nomine facienda Jesus Christus tradidit, id est, in Eucharistia panis & pulcri, quæ in omni loco à Christianis fiunt, præoccupatione usus Deus, sibi grata esse testatur. En iterum S. Justinus secundi saeculi testis Sacrificium

222 Tract. 2. cap. 5. De Sacrif. Missa &c.
crificiam Eucharisticum in omni loco à Christianis oblatum fuisse testatur. Ergo vel errarunt omni loco cum SS. Patribus Christiani primitivæ Ecclesiæ , vel aberrant hujus temporis Sectarij huic Sacrificio contrarij.

5. Quoad Laicorum communionem ; docet Ecclesia Romana non esse necessarium præbere laicis communionem sub specie vini , contra plerosque Sectarios.

Primò , quia nullum in Scripturis extat præceptum administrandi laicis Eucharistiam sub specie vini, ut infrà ostendam.

Secundò, Quia ipse Christus duobus discipulis in Emmaus porrexit Eucharistiam sub sola specie panis, *Luc. 24.* & cognoverunt eum in fractione panis, uti eum locum explicat Hieronymus , Augustinus , Chrysostomus , & plures alii. Et tempore Apostolorum de fidelibus dicitur , *Act. 2.* Erant autem perseverantes in doctrina Apostolorum , & communione fractionis panis. Ubi nulla calicis fit mentio , uti nec *Act. 20.* Vna autem Sabbathi cum convenissemus ad frangendum panem.

Tertiò, quia de communione data sub unica specie sæpè memorant Patres primitivæ Ecclesiæ, ut infra patebit, quod sine errore fieri nunquam posset , si extaret præceptum Christi de communione sub utraque specie.

6. Contra hæc , præceptum à Christo latum esse de præbendo Laicis Calice probare conantur Sectarii primò, ex *Math. 26. v. 27.* Bibite ex eo omnes. Verùm ea verba ad solos Apostolos pertinere declarat Marcus cum addit , Et biberunt ex eo omnes , scilicet Apostoli tunc in cæna præsentes.

Opponunt secundò, verba Christi *Ioan. 6. v. 53.* Nisi manducaveritis carnem Filij hominis, & biberis

retis ejus Sanguinem non habebitis vitam in vobis. Ergo non habebit vitam qui non sumit Eucharistiam sub specie vini. Sed facile negatur consequentia, non enim requirit Scriptura ut omnes bibant Sanguinem sub specie vini, sed tantum ut bibant Sanguinem Christi quocumque modo id fiat: Jam verò sub specie panis necessè est totum Christi Corpus cum Sanguine conjungi, cum illic Corpus Christi non mortuum, sed integrum, gloriosum, & vivum prout modo in cælo existit, sub unica panis specie constituatur. Ergo hoc ipso quo aliquis Christi Corpus suscipit sub sola specie panis, Christi pariter Sanguine reficitur. Neque ullus Scripturæ locus plus requirit, quam ut sumatur Sanguis Christi, non verò ut sub vini specie recipiatur.

7. Et sanè graves admodum erant causæ cur Christus noluerit præceptum sumendi calicis omnibus laicis imponi. Nam in quibusdam regionibus præsertim frigidis, & à vino, ac commercio remotis, aliquando moraliter impossibile foret vinum in ea quantitate procurare quæ toti populo sufficeret. Magnum quoque ac frequens adesset periculum effusionis, ac irreverentiae, si deberet calix per omnes totius populi manus aut ora circumferri, toties impleri, toties detergi &c. Non negant tamen Catholici posse usum calicis ulli unquam laico concedi, sicut Regibus Galliarum concessus traditur, sed docent de illo omnibus concedendo nullum omnino præceptum divinum extare. Quod autem Sacerdotes debent sub utraque specie communicare, non ideo id fit, quod hoc ad Sacramentum, sed quod ad sacrificium requiratur; ut per Sanguinem quasi seorsim sub specie vini sumptum, & oblatum, Mors & Passio Christi repræsentetur.

K 4

Nullum

Nullum autem de præbendo laicis calice præceptum à Christo constitutum , aut à primitiva Ecclesia agnatum fuisse vel ex eo patet quod Paulinus presbyter in vita S. Ambrosii narret , dum jam S. Ambrosius esset è vita excessurus , Sacerdotem nomine Honoratum divinitus ter advocatione adfuisse , & S. Ambrosio dominicum Corpus obtulisse , sine ulla sanguinis mentione , quod , irquit , ubi accepit emisit Spiritum . Et ipse Dominus non tantum manducanti carnem & bibenti Sanguinem , sed etiam seipsum sub sola panis specie fumenti vitam æternam promisit , *Ioan. 6. Qui manducat hunc panem vivet in aeternum.*

CAPUT VI.

De Confessione Sacramentali.

I. DOCENT Catholici lapsis in peccatum mortale à Christo præceptam esse confessio- nem Sacramentalem , formaliter integrum , & distinctam quoad speciem & numerum dilictorum , coram Sacerdote ad hoc legitimè depu- tato.

Hanc confessionem , quam auricularem vo- cant , negant passim Sectarii , existimantes suffi- cere se coram Deo peccatorem agnoscere . Quamvis nec in hoc inter se omnes convenient : constat enim Lutheranos multis locis in Germa- nia etiam coram Ministro suo peccata saltem genericè confiteri . In hoc errore concordant Novatores nostri cum hæreticis Novatianis à primitiva Ecclesia damnatis , qui oris confessio- nem , & Sacerdotis Sacramentalem absolutio- nem penitus sustulerunt : uti tertio post Chri- stum